

أبُوْح

لحنها وغناها فاروق الشرنوبى

أبُوْح يَا أَبُوْح
علم العرب مدبوح

مدبوح بقاله سنين
يا حسرة الملايين
واحد من الخائنين
ييجي وغيره يروح

عطشان يا بحر النيل
يا راوي كل سبيل
يا مخضّر المواويل
وانت حزين مجروح

ييجن مع السلطان
بيقسّموا الأوطان
باقى الملوك فى رهان
على دمنا المسفوح

إتعلموا بيروت
قفلوا عليها تابوت
بالدور يجينا الموت
ولا نعرف الا النوح

المجزره لسه
في الحلق والغصه
والأمرا بالخسسه
خلوا الطريق مفتوح

فقرک على أرضک
غُربه وبتهدک
وازاي تصون عرضک
وانت قتيل الروح

يَدُّكَ عَلَى زَنَادِكَ
خَلَّلِي الْبَارُودَ زَادِكَ
يَا مَوْطِنِي مِيعَادِكَ
لِلشَّمْسِ لِمَا تَلُوحُ

نَفْدِي الْوَطْنَ بِالرُّوحِ
نَفْدِي الْوَطْنَ بِالرُّوحِ

سبتمبر ١٩٨٢